

• dai 18 de ma ennant pón endô dí messes con la comunité; por podei le fá él da se tigni a na ligna de regoles de comportamont. Deache i adorun le tomp por arjigné ca la dlijia aladò sará la pröma messa con la comunité en **Palsacrusc, ai 24 de ma**. Les domegnes gnará la messa zelebrada **da bel tomp sön paiun y da bort te dlijia**. (Ocio: al ven perié da nia meter i auti dan scora y te plaza dan le paiun por lascé la lerch ala comunité). la por l'edema él endô messa le **dedolönesc** y la **sabeda** da doman y la **jöbia** da sera, **entres te dlijia**. Al ven perié che düc se tigni dertan les funziuns ales **regoles**: mascherot co stopa la bocia y le nes, tigni les distanzes (1 m) y se desinfeté les mans (daete da üsc de dlijia sarál cösta poscibilité). Te dlijia pón ma se sonté tai **posc amarscés** con na pilora de Santa Maria, an ne pó nia jí tles proches sarades jö. Porsones de na medema familia pó se sonté adöm y fá plena la proca (i periun che les families feji cösc por sparagné lerch). Chi co sta empé é periés da se tigni ales distanzes. Da jí te dlijia, ala Comegnun y da jí fora de dlijia é düc periés da tigni les distanzes (1,5 m). Les messes é ince da aldí te cortina por chi co n'á nia lerch te dlijia (y desco dagnora te Radio de Ploania). L'**oferta** pón dé jö canche an va fora de dlijia, al sará i ministronc con le cest; **messes de sopoltöra**: en Lönesc de Pasca de Ma vegnel dit la messa de sopoltöra dai defunc por chi che an n'á nia podü la dí le de dla sopoltöra; les **corones dla comunité** por defunc do messa toma entant fora, deache les funziuns ne dess nia döré plü co en n'ora; porchel ne gnarál entant gnanca tigni les **ores de adoraziun**;

- **bati**: le proscimo iade gnarál bacé en **domegna ai 14 de jügn**;
- **belorí**: en domegna ai 24 de má gnarál motü fora te dlijia le **belorí benedí** por chi co nen n'á nia ciamó cíafé;
- **la pilora da Pasca** ven motüda fora te dlijia en Pasca de Ma; düc é enviés da s'an tó.
- **laé la dlijia**: en vendres ai 22 de ma é jogn y ei periés da gní dles 19:00 ennant a stöpé jö la dlijia y en sabeda ai 23 dles 8:00 ennant düc y dötes co á dlaurela la daidé laé. Preibel gnide con mascherot y maneces.

Enformaziuns y termins

Comun de Mareo - Por i paurs: por avei en miú control y soravijiun vegnel perié da pert dai fameis che vigne tier co ven condüt a munt tai Tamersc, mess avei le ciol dla munt y le numer. I tiers co röa sön Fojedöra mess avei le ciol bröm, i tiers co röa sön Sennes le ciol vert y i tiers co röa sön Fanes le ciol blanch. Por enformaziuns plü tleres, ince por ci co reverda i numeri pai ctoi dai tiers, dess vignönn se meter en contat con le raprejentant/president dla enteressenza dla munt. Iolan por la colaoraziun.

Döt le bun a:		
Sr. Angelica Daverda, <i>Legnano</i>		* 17.05.1930
Milio Winkler		* 17.05.1933
Jan Brandlechner		* 18.05.1933
Judita Burchia Kofler, <i>Schenna</i>		* 19.05.1938
Veronica Willeit ved. Steiner, <i>Braies</i>		* 20.05.1937
Oliva Feichter Bridi		* 21.05.1921
Giuliana Ellemunter ved. Maffei, <i>Savignano</i>		* 22.05.1936
Anna Erardi, <i>Pietra Ligure</i>		* 23.05.1925
Anna Daverda Rindler		* 23.05.1932

y a düc chi co á santennom y compless i agn cöst'edema

Impressum: Ploania d'La Pli; redaziun Franz Rigo y Edith Willeit
Comunicaziuns **cina le dedemesaledema** sera a Franz Rigo: ☎ 0474 500978 o ✉ ploania@gmx.net
Download plata: www.unitepastorala.org



Plata dla Ploania La Pli de Mareo Santa Maria dal Bun Consei

Ploian: **Signor Klaus Sottas**
E-mail: ploania@gmx.net

Calogna Al Plan: **0474 501006**
Radio de Ploania: **93,00 MhZ**

UNITÉ PASTORALA



Ann A

17.05.2020 - Sesta domegna de Pasca

n. 25

L'Anima dla dlijia é le Spirit Sant

 **St.Ap 8, 5–8.14–17 | 1 Pire 3, 15–18 | Jan 14, 15–21**

Dal Vangelo do San Jan:

Te chel tomp á Gejú dit a sü discepu: ¹⁵Sc'i m'oreis bun, se tignareise a mi comandamonc, ¹⁶y iu periará le Pere, y el ves dará en n'ater paraclét, co dess resté pa os por dagnora. ¹⁷Al é le Spirit dla verité, che le monn ne pó nia cíafé, deache el ne le veiga nia y ne le conesc nia. Os endere le conescis, ciodich'al stá pa os y sará te os. ¹⁸I ne ves lasciará nia endô desco órfanns, mo i vegni endô da os. ¹⁹Ma ciamó püch tomp, y le monn ne mo veiga nia plü; mo os m'odeis, deach'i viri y ince os viareis. ²⁰En chel de conesciareise: lu sun te mio Pere, os seis te me, y iu sun te os. ²¹Chel co tól sö mi comandamonc y se ten a d'ei, chel m'ô bun; a chel co m'ô bun, ti vegnel orü bun da mio Pere, y ince iu ti orará bun y a chel mo darái da conesce.

Oraziun dal de

Periun! Dio onipotent, láscesse vire de cör la ligreza de cösc tomp de Pasca y aprijé zonza lascé do la ressureziun de nosc Signur, por che le mister de Pasca, ch'i festejun te chisc cincanta dis, formi y müdí nosta vita.

Do cösc te periunse por nosc Signur Gejú Crist, to Fi, co é Dio y vir y regneia con te t'unité dal Spirit Sant por düc i secui dai secui. – Amen

(Lezionar A)



I ne ves lasciará nia endô desco órfanns.

 *Letöres dla Gran Festa dl'Ascensiun dal Signur - Palsacrusc:*

St.Ap 1, 1–11 | Ef 1, 17–23 | Ebr 9, 24–28; 10, 19–23 | Mt 28, 16–20

Edema liturgica dai 17.05. ai 24.05.2020

Ince les funziuns de cöst'edema sará ma da aldí tal Radio de Ploania, la gran messa de n Palsacrusc gnará endô zelebrada con la comunité!

DOM 17.	Sesta domegna de Pasca	<i>Dietmar, Walter</i>
08:30	gran messa por dōta la ploania s.m. d'aniversar por † Paola Pedevilla Maneschg, Col Marchet por † Jep Ellecosta, Taibun/Ombolt por † Iuliana Maneschg Erlacher, Plaza	
12:00	al ven soné adöm: les ciampanes envieia al'oraziun	
19:30	la ciampana envieia al'oraziun	
Lön 18.	<i>Jan I., Burkhard, Felix, Erich</i>	
19:30	la ciampana envieia al'oraziun	
Ded 19.	<i>Ivo, Zelestin V., Cuno</i>	
19:30	la ciampana envieia al'oraziun – corona	
Dem 20.	<i>Bernardin da Siena, Elfriede, Valeria, beata Josepha</i>	
19:30	la ciampana envieia al'oraziun	
Jöb 21.	<i>dles Crusc Hermann Josef, Christophorus Magallanes y compagns</i>	
19:30	la ciampana envieia al'oraziun – funziun de ma	
Ven 22.	<i>dles Crusc Rita da Cascia, Renata, Julia</i>	
19:30	la ciampana envieia al'oraziun – corona	
Sab 23.	<i>dles Crusc Berto, Desider</i>	
19:30	la ciampana envieia al'oraziun	
DOM 24.	GRAN FESTA DL'ASCENSIUN DAL SIGNUR PALSACRUSC	<i>Ester, Dagmar</i>
	De mondial dai mesi de comunicaziun soziai De mondial d'oraziun por la dlíjia tla Cina	
08:30	gran messa por dōta la ploania <i>oferta por la ploania</i> s.m. de rengraziamont por i 30 da noza de Angelo y Paolina Rigo s.m. por †† Jep (aniversar) y Rosa Ellecosta, Lüchesc s.m. por gní stravardés da epidemies s.m. en onú y de rengraziamont a Santa Maria	

i recordun: Marianna Erlacher ved. Pedevilla, *Al Plan* † 18.05.2017

→ **Santes messes:** al ven lascé alessei che dai 24 de ma ennant pón endô jí a aposté messes te calogna: la **domegna** do la gran messa pa n member dal consei pastoral y le **dedolönesc** do messa pa signor ploan.



Le Spirit dla consolaziun (Jan 14, 15–21)

I ponsi do

Ti orei bun a Gejú ne dess nia ma ester na bela intenziun o en sentiment astrat. Ti orei bun a Gejú se damana l'orenté y l'abilité da vire do sū comandamonc, dandadöt do chel dal amur. Nos sun debli y i ne sun nia dagnora bogn da fá ci che el comana. Mo Gejú n'é nia önn co iera y basta: El se pita so aiüt, al se mena le Spirit Sant desco forza y consolaziun de vita.


I preii ensciö

I diji gonot ch'i ti ô bun a Chelbeldio y ai atri, mo spo m'an anadá ch'al é ma de beles parores y entenziuns co ten püch. I oress dé la vita por i atri mo i ne sun nia bun da mo tó empü' de tomp por chi da ciasa. I oress combater la meseria tal monn, mo i ne sun nia bun da fá val' sacrífize o rinunzia. Signur, i sun debl y nia bun da osservé y vire do la lege de to amur. Porchel te preii che te mo emplesci de to Spirit, co l dái forza a mio dejider y concreteza a mies intenziuns. Dámo le Spirit Consoladú por ch'i ne m'acontenteii nia dla mesaría mo ch'i mo proi da arjunje traverc plü alc de ciarité. Dámo le Spirit de Verité por roé ala conescionza de ci co é bun y podei le testimonié tla vita. Fá ch'i sonti te me la presenja de to Spirit, y ch'i ciari de era desco de n tesur prezios y da dé ennant desco scincunda plü grana.

Walter Cazzaniga, Parola amica – Il Vangelo della domenica per ragazzi



I ponsun con le Vangelo (14, 15–21)



- 1> Te chel ... á Gejú dit
- 2> se tignareise a mi ...
- 3> y el ves dará en n'ater ...
- 4> I ne ves lasciará nia endô desco ...
- 5> Ma ... püch tomp
- 6> ... co tól sō mi comandamonc
- 7> ti vegnel orū bun da mio ...
- 8> ince iu .. orará bun

